



Future-proofing our children

Tiisezo 1

Toho ya Tuto Sebelezo Ye kenile ya Bafu

Buka ya Bashemi

Sikolo sa la Sunda sa mwa Malapa



Balatiwa Bashemi

Mwa amuhelwa kwa tuto yeli: **“Sebelezo Ye Kenile ya Bafu”** Tiisezo 2.
Pampili ye imifa liselinyana kamo mukona kulutela tuto ye.

Mukwa mo mu kona ku itukiseza ni kufa tuto ye ka ona

Ze tatama ki zeñwi zeo mu swanela ku ezeza mwa ku itukiseza ni ku fela tuto ye:

Muhato	Kezo
1	<p>Mu kene fa likepe la Keleke Yenca ya Baapositola, ka ku sebelisa likepe le fa WhatsApp:</p> <p>https://bit.ly/3NACSSH5</p>
2	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibeke • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekiseba ni buka ya lipuzo ni likalabo (Kwa banana ba bali mwa litopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye bukuswani ha ku konahala, ka ku hupula nakonyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba hahulu mwana mina ni ku fita.</p> <p><i>Ka mulao, Sikolo sa la Sunda ha si swaneli ku fitelela mizuzu ye mashumi a mane ka ye keta-lizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Lituto ya Bibeke ni Tiisezo - SS1, RI1 or Confirmation).</p> <p>2.4: Mulizeze kapa ku ikopanya ni muluti wa Sikolo sa la Sunda ha mu tokwa tuso kwa lisebeliso ze bulezwi.</p>
3	<p>Mu lapele (Mubone tapelo ye ñozwi, kwa mafelelezo) mi mu kupe Mulimu kuli a mi eze sisebeliso mwa ku fa tuto ye, ka mwa latela.</p>



Kufa tuto ya Tiisezo mwa Malapa

Mukwa mo mu kona ku itukiseza ni kufa tuto ye ka ona

Lu zwelapili ku ikabela mikwa yeo muswanela ku itukiseza ni kufa tuto:

Muhato	Kezo
4	Mu eze sibaka sa tuto kuba se sinde (ku sina lilata) fo mina ni mwanana mu ba ni buino bo buswana. <i>Ka mutala:</i> Mu ine fa lishasha/ fa museme kapa fa lipula ku potoha tafule
5	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6	Mu iñolele tuñusanyana twa butokwa to mu bata ku hupula ha mu fa tuto.
7	Mu iñolele tu ñusanyana twa butokwa to mubata ku hupula ha mufa tuto.
8	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
10	Mu bulelele ni ku susuweza mwana mina kuli a eze musebezi o mwa buka ya hae, ya Sikolo sa la Sunda (I also want to...)
11	Mu lapele kapa mu kupe mwanana kuli a lapele ka ku kwala tuto.

Lisebeliso ze fumaneha kuama Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a Tiisezo.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi ku amana ni tuto ye.



Tuto

Toho ya Tuto	Sebelezo Ye Kenile ya Bafu
Palo ya Linzwi	Palo ya Linzwi i mwa kusufazo ya tuto ye tatami.
Mutomo/butokwa bwa Tuto	Batiisezo ba ziba ku li ka litapelo za bona kwa mioyo ye mwa sibaka sa mwa buse, ba kona ku tusa mwa musebezi wa puluso.

Kusufazo ya Tuto:

1. Lazaro ni mufumi

Ka na mwa hupula likande la Lazaro ni mufumi nji? Mufumi n'a pila bupilo bwa silena nako kaufela. Lazaro yena ne li mubotana ya n'a lakaza ku kula bungululwa bo bu wa fa tafule ya mufumi. Bubeli bwa bona b'a ma n'o shwa, Lazaro a iswa mwa sifuba sa Abrahamama. Haili mufumi yena a iswa mwa lyangalilo m'o na nyandile maswe. H'a bonela Abrahamama ni Lazaro kwa hule a mu huweleza a li: "Ndate Abrahamama, u ni utwele butuku, mi u lume Lazaro kuli a cupwe ngo ya munwana mwa mezi, mi a ni batise fa liliu. Kakuli ni kalelilwe maswe mwa mulilo wo" (mu bapanye ni Luke 16: 19–31).

2. Libaka za mwa sibaka sa mwa buse:

- Batu ha ba shwa, mioyo ya bona iya mwa sibaka seo si zamaelela ni buino bwa bona nako yeo ha ne ba sa pila. Kamutala, haiba lisholi a shwa u ya mwa sibaka sa mwa buse inge a li lisholi.
- Moyo wa mutu ha u tisi cinceho bakeñisa lifu.
- Moyo u zwelapili ku lwala mitiyo ya libi zeo li si ka swalelwa.
- Bafu ba lemuha buino bwa bona, mi bao ba sweli ku nyanda ba lakaza tuso.
- Mwa sibaka sa mwa buse ku fumaneha ni bao ba shwezi ku Jesu Krete.
- Sikwata seo ku sona ku fumaneha bao ba fumani lisakiramente mwa sibaka sa mwa buse. Sina luna, ni bona ba litezi ku kuta kwa Krete, mi ba itukiseza lizazi leo.

3. Tuso kwa mioyo ye si ka liululwa:

- Ku zwa sitabelo sa Jesu Krete, ku konahezi ku cinca buino bwa mioyo ye mwa sibaka sa mwa buse ku ba mbweshwa.



- Kasamulaho a lifu la Jesu Krete, A ya mwa sibaka sa ba ba shwile mi a yo ba luta (1 Pitrosi 3: 19–20).
- Kacwalo, mutu u kona ku fumana puluso kasamulaho a lifu.
- Ni luna, lu kupa Ndat'a luna wa lihalimu ku tusa mioyo ye mwa sibaka sa mwa buse.
- Litapelo za luna kwa mioyo ye ki sisupo sa lilato la luna kwa batu sina luna.

4. Sebelezo Ye Kenile ya Bafu:

- Mioyo ye mwa sibaka sa mwa buse ya memwa kwa sebelezo ye kenile ya bafu ye ñwi ni ye ñwi.
- Sitabelo sa Jesu Krete si tisa puluso kwa mioyo kaufela ye nyolezwi tiululo ni puluso.
- Halalu ka silimo (la Sunda la pili mwa Liatamanyi, Sikulu ni Njimwana) ku na ni lisebelezo ze kenile za bafu, ili mo ba fiwa lisakiramente.
- Mwa sebelezo yeo, mioyo i utwa linzwi la Mulimu sina luna m'o lu li utwela.
- Kasamulaho wa swalelo ya libi ni Silaalo se si Kenile, muluti wa lapela.
- Muapositola Yo Muhulu, Baapositola Ba Likiliti, kamba Muapositola u aba lisakiramente ku ba ba shwile.
- Mioyo yeo ne i si ka kolobezwa kale i fumana Kolobezwa Ye Kenile ya Mezi.
- Mpo ya Moya O Kenile i fiwa ku bao ba ba lukisizwe.
- Kasamulaho Silaalo se si Kenile si Abelwa bafu.
- Baluti ba ba beli ba ba libyana ze lukiselizwe mioyo ya mwa sibaka sa mwa buse ku amuhela lisakiramente.
- Seo mioyo ye i si lemuha mwa lisakiramente ni linzwi, si ka tisa cincheho mwa buino bwa mioyo ya bona mwa sibaka sa mwa buse.

5. Lu kona ku tusa cwañi mioyo ye mwa sibaka sa mwa buse?

- Lu hupula mioyo kaufela ye mwa sibaka sa mwa buse mwa tapelo ya luna.
- Pili sebelezo ye kenile ya bafu, lwa ba lapelela.
- Lu kupa Mulimu ku ba tusa mi lu lapela ku li mioyo ye i lumele ku Jesu Krete, ni ku li ba amuhele puluso ya Mulimu.



Tuto ye i talusa ñi ku luna kacenu?

- Ku na ni tuso ye fiwa mioyo ye si ka liululwa.
- Linzwi ni lisakiramente ki za butokwa ku luna mwa lifasi mo, ni kwa mioyo ye li mwa sibaka sa mwa buse, ki ka cwalo sebelezo ya bafu haili ya butokwa.
- Lu kona ku bapala sanda sa luna ka ku lapelela mioyo ye mwa sibaka sa mwa buse.

Zeñwi za lipuzo zeo lu kona ku buza:

1. Kana kikuli lu kona ku itamahanya ni ba ba shwile nji?

Kalabo: Ka mukwa wa ku n’o hupula bafu ni ku ba lapelela cwalo, lu na ni tamahano ni bona.

2. Cwale ku ya kwa sibaka kamba batu bao ba bulela ku li ba kona ku biza bafu, ku cwañi?

Kalabo: Ku lika ku swalana (ka nzila ya mabibo kamba buloi) ni bafu ku hanisizwe ki Mulimu. Deuteronomi 18:10-12 i li: “Ku si ke kwa fumanwa haenu mutu ya [...] mulauli ya nz’a laula, kamba sinuhi, kamba wa mabibo kamba muloi, kamba wa liunduma, kamba ya buza balimu. Kakuli batu kaufela ba ba eza litaba zeo ki ba masila ku Muñ’a Bupilo”.

3. Ka na ku na ni ku pila sinca kwa bafu nji?

Kalabo: Batili. Muhupulo wa ku pila hape lwa bubeli mwa lifasi, ka ku ba mutu kamba folofolo kamba simela ku lwanisana ni lipiho za Bibebe mi ni liñusa la evangeli: “Mi sina ha ku laezwi kuli batu kamukana ba na ni ku shwa hañwi” (Maheberu 9:27).

Tapelo ya Bondate ni Boma ye fiwa pili tuto isi ka tateka:

*Mulimu ya lateha. Lwa itumela kwa lizazi la kacenu
Fuyola bashemi ni banana ba luna
Tusa kuli lukone ku lemuha ku bateni kwa Hao
Fuyola tuto yoe lu taba ni yona
Lwa kupa, ulu lute mo lu swanela ku ku sebeleza
Mi ulutuse ku eza tato ya Hao
Kuli lu hule mwa kuba bukafi ni Wena
Luma Jesu ato lunga
Mi ulutuse kuba baba itukiselize ku mukatanyeza,
Amen.*